



Disputatio juridica inauguralis de acquirendo dominio ex jure gentium

<https://hdl.handle.net/1874/340715>

DISPUTATIO JURIDICA
INAUGURALIS,
DE

ACQUIRENDO DOMINIO EX
JURE GENTIUM,

Q U A M,
FAVENTE DEO TER OPT. MAX.

Ex auctoritate Magnifici Rectoris,

D. JOHANNIS van MUYDEN,

J. U. D. ejusdemque Facultatis in inclytâ Academiâ Ultrajectinâ
Professoris Ordinarii,

NEC NON

*Amplissimi Senatus Academici consensu, Nobilissimæque
Facultatis JURIDICÆ Decreto,*

PRO GRADU DOCTORATUS,

Summisque in UTROQUE JURE honoribus & Privilegiis
rite, ac legitime consequendis,
Eruditorum Examine subicit

GERARDUS TER BORCH, ZWOLLANUS.

Ad diem 9. Februarii horis locoque solitis.



TRAJECTI ad RHENUM,

Ex Officina FRANCISCI HALMA, Academiae
Typographi, clō Ic LXXXVIII.

Prænobili ac Generoso

D. D. ISAACO de HOCHPIEDE,
Quondam per affinitatem Patrueli, Tutori suo fide-
lissimo, diligentissimo.

Viro Illustri Nobilissimo Amplissimo

D. D. FRANCISCO à BREDEHOFF,
Toparchæ in Oosthuysen, Etershem, Hobreed,
Pylswaert, &c.

Urbis Hornanæ Prætori supremo, Viro Consulari &
Senatori, ejusdemque Civitatis nomine in Confessu
Illustrium & Præpot. Hollandiæ & Westfrisię Or-
dinum Assessori gravissimo, Societati Indię Ori-
entalis Membro adscripto; nunc vero ad Illustrissimum
Ordinum Generalium Fœderati Belgii Concilium
evecto.

*Hæc studii sui lucubrationes
inaugurales.*

D. D. D.

GER. TER BORCH,

Auctor.



DISPUTATIO JURIDICA

INAUGURALIS,

DE

Acquirendo Dominio ex
Jure Gentium.

T H E S I S I.



Quod conservatio Vitæ & mem-
brorum sit ex hoc Jure Gent.
cujus immutabile dictamen
est ex Recta Ratione, &
quidem fundamentalis po-
sitio, nitens amore erga se-
ipsum, ex quo omnes le-
ges Naturæ seu morales originem trahunt,

A 2

vix

4 DISPUTATIO JURIDICA

vix ignotum esse potest, quoniam hujus vestigia ex instinctu naturæ cernimus in brutis.

His ita præmissis media ad conservationem esse permessa & necessaria aff. *Grotius* alibi in tract. de imper. Magistr. circa sacra. *Hobbes* de Cive in dedicatione & Cap. 1. §. 8. l. 13. ff. ad l. Aq. ubi dicitur neminem esse Dominum Vitæ vel membrorum suorum. Jurisprudentiæ objectum est, alterum non ledere, nisi in legitima defensione, quod perinde est ac si diceretur, nulli licet disponere de vita sua vel aliena, sed e contrario illæsum se & proximum conservare tenetur, quocunque potest modo, si media modo non sunt directe pugnancia contra præceptum Divinum, *non est faciendum malum ut inde bonum sequatur*, uti non repugnat Dei præcepto defensio sui & proximorum, nam propter malorum pravitatem recurrentum etiam bonis est ad virtutes bellicas vim & belli dolum *Hobbes* de Cive in dedicat. si pacem conquirere nequeunt, & se tueri volunt, ut debent.

Ad

Ad conquirendam & servandam pacem necessaria sunt fides, gratitudo, peccati remissio, rei communis divisio, qua dominium debet esse distinctum, nam communitio dicitur sapientissime, ut est mater discordiarum. Hæc ad originem & necessitatem distincti domini sufficiunt, transibimus ad definitionem Domini. Dominium est jus quo res est nostra, hoc est, Dominium est facultas ex Jure Gent. qua rei acquisitæ pro libitu habemus dispositionem l. 28. C. Mandati.

Dominia acquiruntur Jure Gent. vel Jure civili §. 11. *Instit. de rer. div. l. 1. ff. h. t.* Jure Gent. acquiruntur Occupatione, Accessione vel Traditione, de quibus singulis pauca dicemus, ne disputatio ultra scopum excrescat, & tamen ut satis sit intellectui.

Occupatio est modus acquirendi domini, quo res nullius cedit occupanti: colligi potest hæc definitio ex l. 3. ff. h. t. & §. 12. *Inst.*

6 DISPUTATIO JURIDICA

de rer. div. Omnes res, antequam quis per occupationem factus est dominus, ex Jure Gentium nullius sunt, nam Natura sine distinctione dedit omnia omnibus, harumque rerum quædam indivisibiles fuerunt, quæ per excellentiam vocantur communes, uti mare, & per hoc littora maris, aër, aqua profluens §. 1. *Inst. de rer. div.* ceteræ res omnes alicujus factæ sunt, vel ex Jure Gentium primo adhuc cedunt occupanti, quamvis Jus Civile aliquando ex justa causa occupationem prohibeat.

Post divisionem quoque Jure Gentium quis occupando acquirit dominium in rebus a domino pro derelicto habitis §. 46. *Inst. rer. div. in rebus hostilibus l. 5. §. 7. h. t.* §. 17. *Inst. rer. div. in thesauris §. 39. Inst. h. t.* qui in torum pertinent ad Inventorem, sed Jure Civili hoc mutatum est. *d. §. 39.*

Quæritur hac occasione an feræ bestię, volucres

lucres & pisces ita vulnerata ut capi possint statim nostra sint; Quod neg. *l. 1. §. 1. l. 5. ff. h. t. In §. 12. Inst. hoc tit.* dicit Imperator simulac ab aliquo capta fuerint, statim naturali ratione illius esse incipiunt: sic quoque in §. 13. *Inst. eod. tit.* esse occupantis, non vero vulnerantis. De loco ex Jure Gentium perinde est an quis occupet feram in fundo suo an in alieno *l. 3. §. 1. h. t. §. 12. Inst. rer. div.*

I V.

Secundus modus acquirendi domini est *Accessio* quo accessorium sequitur suum principale, & dividitur in naturalem vel industrialem. Naturalis est foetura ancillarum vel animalium, alluvio, coalitio, insula in flumine nata & alveus. Industrialis est Intextura, Inedificatio, implantatio, satio, scriptura & pictura. Sic quoque ad hanc accessionem commode referri potest specificatio: si materia sit intra formam, formę cedit, & sic vice versa §. 25. *Inst. h. t.* Confusio, Commixtio, & fructuum

8 DISPUTATIO JURIDICA

ctuum perceptio, si percipiuntur ex re nostra vel bona fide possessa, si vero percipiuntur ex re nullius tunc pertinet ad occupationem.

V.

Hinc resultat quaestio quales fructus B. F. possessor lucratur ex Jure Gentium, ubi aequitas agnoscitur pro summa lege? Resp. hac cum distinctione, vel possidet titulo oneroso vel lucrativo, si lucrativo tit. possidet, tantum lucratur industriales, si vero oneroso tit. possidet, lucratur omnes fructus consumptos perceptos, etiam civiles.

V I.

Tertius adhuc restat modus acquirendi domini ex Jure Gentium, nempe Traditio, quae in genere est translatio possessionis nude vel cum dominio. In specie est Translatio cum dominio, quod in re corporali consistit *l. 43. §. 1. h. t. & §. 4. Inst. rer. div.*

Per

Per nudam traditionem dominium non transfertur *l. 31. ff. h. t.* nisi justus titulus vel justa causa præcedat propter quam traditio sequitur, uti est permutatio, donatio &c. *l. 1. ff. de Publ. in rem Act. §. 40. Inst. rer. div.* Præter traditionem & justam causam requiritur contrahentium liber consensus, sine quo omnes contractus infirmes sunt, vel rescindi possunt per remedia Prætoria, quæ habentur in *lib. 4. ff.* Ex Jure Gentium & Civili coacta voluntas dicitur etiam voluntas *l. 21. §. 5. ff. quod met. caus.* quia coactus ex duobus malis minimum eligit; & hactenus voluntas non cogitur. Multæ sunt traditionum divisiones in *§. 42. in §. 44. in §. 45. Instit. de rer. divis.*

V I I.

Restant domini quædam divisiones satis notæ: dominium est rerum corporalium vel incorporalium, veluti describitur in *pr. Inst. de reb. corp. & incorp.* Res corporales sunt quæ sua natura tangi possunt, incorporales quæ sua natura tangi non possunt.

Do-

Dominium est plenum vel minus plenum :
 dominium plenum est quod definivimus in *thesi*
 1. Minus plenum est quod habet Vasallus , Em-
 phiteuta &c. qui agnoscunt dominum superio-
 rem propter initum pactum vel Contractum ,
 nam pactum ex Jure Gentium eque validum est
 quam Contractus.

V I I I.

Expositis domini acquirendi modis , ordo
 nos ducit ad domini acquisiti effecta , que
 precipue consistunt in dispositione indefinita ,
 qua dominus potest vendere , permutare , pi-
 gnori dare , mutuo dare , donare , consumere ,
 & quolibet modo per ultimam voluntatem di-
 sponere , sed rem amissam ab invito possessore
 recuperare non potest , nisi armata manu. Hinc
 vers.

Data leges , ne fortior omnia possit.

Et illud Baudii.

*Quid foret mundus , spatiosa præter
 Lustra latronum , nisi mos pudorque
 Vim refrænaret ?*

CO-



COROLLARIA.

I.

Filiusfam. non potest testari imo ne quidem de plenis adventitiis.

II.

Testator sciens rem alienam legare potest.

III.

Nuptias facit solus consensus

IV.

Filio impuberi exheredato pater recte substituit.

V. Insti-

V.

Institutio sub impossibili conditione valet.

V I.

*Adolescentes in-viti curatores non accipiunt
§. 2. Inst. de Curatoribus.*

F I N I S.

